



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

12 e Maximilianus Bischoff vnd Marterer zů Passaw.

urn:nbn:de:hbz:466:1-41449

Item an diesem tag starb/seliges gedächtnis/ Jaco-
bus Alemannus Prediger Dicens.

e. iiij. Idus Octobris.

Der XII. Tag im Weinmonat.

Ravenna ist heut der geburtstag des H. mar-
tyrs Edistij/ welcher inn der Diocletianischen ver-
folgung seinen Christlichen Glauben/ mit der blü-
terergießung bezeuget.

Item in Africa der H. 4976. martyrer vnd beich-
tiger. Vnder disen waren etliche Bischöffe/ Priesler vnd
Diacon / sampt der zugefellten Schaar der glaubigen
völker. Seind aber vmb des Catholischen Glaubens
bekanntnis willen/ vnder dem Wandalischen verköhr-
ten König Hunerico ins ellend/vnnd inn ein scheußliche
wüsten vertriben/ vnd endlich auff mancherley weiß ge-
martert worden/vnder welchen Felix vnd Eyprianus die
fürnehmsten Bischoff waren.

Anno Dñi
480.

Item in Syria des H. Priesters Eustachij.

Item in Apamia des H. Bischoffs vnd Martyrers
Marcelli/ welcher zur zeit Kayfers Theodosij des El-
tern/vil Abgöttische Tempel zerstört/ ward daruff von
den Heiden gefangen/ vnd vmb des Namens Christi be-
kannntnis willen/ mit der marter gekrönt.

Anno Dñi
386.

Item zu Paphia der heyligen Martyrer Amelij
vnd Amici / vnder welchen der erst ein Grafen Sun
zu Aluernen / der ander eines Ritters Sun auff der
Burg Berican war. Dife sahen ein ander so gar gleich/
das sie auch von ihren Eltern für ein ander nicht erkennen
mochten

mochten werden: kamen nach ihrer Eltern Tode bey
an König Caroli Magni Hof/ da der ein des Königs
Truckseß/ der ander sein Schatzmeister ward. Die
neten Gott andechtiglich inn der forcht: waren inn Fas-
sen/ Betten/ Almüßen geben/ vnnnd anderen Gottseli-
gen Wercken gar embßig. Seind endlich mit anderen
viten inn einem Krieg vmbkommen / da Carolus Ma-
gnus wider den Longobardischen König Desiderium
in Italia krieget: haben also den Palmzweyß der mar-
ter erlangt. Als man sie in zweyerley Kirchen begräbe/
iß Amelius am nachfolgenden Tag bey Amicosunden
worden/ auff daß ihre leiber nach dem Tod von einander
nit abgefündert weren / deren Gemüter im leben so gar
verainigt bliben.

Anno Dñi
790.

Item zu Passaw des H. Laureacensischen Bischoffs
vnnnd Marteners Maximiliani / der vil vnglaublichen zu
Christo heldt/ vnnnd zur zeit des Kayfers Cari vnnnd Nu-
mertiani/ zu Seila inn seinem Vaterland/ die kron der
marter erlangete/ iß darnach sein Leib durch den H. bi-
schoff Rupertum/ vñ folgendts durch den heyligen Kay-
ser Hainrich/ Herkogen in Bayern/ gen Passaw gefürt
worden.

Anno Dñi
284.

Item inn Engeland des H. Eboracensischen bi-
schoffs vnnnd beichtigers Wilfridi/ welcher die vier Bü-
cher der H. Euangelien mit gulden Büchßtaben schrie-
ben ließ/ vnnnd inn ein guldins Trüchßlin leget. Nach vil
vberstandnen gefahren/ iß er im freid verschiden. Donn
im schreibe Beda.

Item zu Diuriges des H. Püesters vnnnd beichtigers
Opinionis.

Item zu Aquitania des H. Abtes vnnnd beichtigers
Heraldi/ so Edel war vom Geschlecht/ andechtig vnd
Gott

Gottesfürchtig von jugent an/ ein Mann voller frömmig-
keit vnd kunst/ sa auch ein dapfferer Ritter. Nach abster-
ben seiner Eltern dienet er müttiglich den Armen vonn
seinen gütern/ bettet alle tag wie ein Geistlicher seine si-
ben Bezeiten/ höret alle tag ein Mess / lese auch alle tag
den Psalter auß. Verließ darnach die welt / bauet vnd
begabet inn seinem Land ein Kloster / ward darinn ein
Münch/ lebet in grosser abstinens vnd heyligkeit. Leuch-
tet mit vilen wunderzeichen. Man helt dafür/ es sey ein
anderer Geraldus gewesen/ auch ein beichtiger/ der am
13. tag Merrens verschaiden.

Item des H. Pappis Felicis des vierten/ welcher auß
Samia vnd ein Anherz des H. Pappis Gregoris war/
hat S. Cosme vñ Damiani/ auch S. Saturnini Kir-
chen gebawen/ nach dem er mit grossem fleiß/ vnd selig-
klich das Hirtenamt verwalte het/ verschid er im freiden.

Anno Dñi
528.

c Tertio idus Octobris.

Der XIII. tag im Weinmonat.

Zu Augspurg ist heut der Geburtstag des heyligen
vnd berümpften * bischoffs vnnnd beichtigers Sim- * zwölfften.
perti / der vonn Edlen Eltern / als Amperto Her-
zog inn Lothringen / vnnnd Symphoriana des grossen
Caroli Schwester/ geboren/ vonn jugent auff inn allen
tugenten auffgezogen / ward inn dem Kloster Morbach
S. Benedicts Ordens ein Münch / vnnnd darnach ein
Abt / welcher dasselb Kloster vil jar / gar löblich re-
gieret. Ist darnach von Carolo Magno zum Bischoff
gen Augspurg gesetzt / vnnnd vom Pappi Leone beset-
tigt worden / het grossen fleiß die Laster außzureuten/
Tugend